



27.marts 2019

UPA2019/210

Uunga siunnersuut: Suliniutini angisuuni illuliortiternernik sanaartornernillu suliassat pillugit inatsisartut inatsisaata allanngortinnissaa pillugu Inatsisartut inatsisaat nr. xx, xx. xx 2019-imeersoq.

(Inatsisartunut ilaasortaq Aleqa Hammond, Nunatta Qitornai)

Suliniutit angisuut pillugit inatsisartut inatsisaat tassaavoq inatsit inatsisartunit tamarmiusunit taperserneqarluni atuutilernikoq. Pingaaruteqarluinnarpoq inuussutissarsiutit nutaat aammalu siunissami aningaasatigut inissisimanitsinnut pingaaruteqarluinnartuusooq aamma ataatsimoorfigalugit inuiattut isumaqatigiittumik ingerlanneqartarnissaat.

Inuiaqatigiittut allaqqunneqarsinnaanngitsut aqquasaagassavut marluupput pingaaruteqarluinnartut, aatsitassarsiorneq eqqarsaatigalugu. Siullertut aningaasaqarniarnitsinnut inuiaqatigiittut iluaqussissuaatigut aappaattullu suleqateqarniarnermi inuiattut immitsinnut pilliutiginnissarput.

Naalakkersuisut siunnersuutaat suliniutinut angisuutut aningaasaliissutigineqartussat 5 milliardiniit killiffeqarfiat apparujussuarparpaat 1 milliardimut apparlugu, unnerlugu avataaniit suleqateqarneq aammalu killilersuivallaarnaveersaarnissat unnerlugu, aammalugooq erngup nukinganik aamma piiaanermik suliniuteqarfiulersinnaasut neriulluarnarsinnaasullu amerlanerusut nunat tamalaat akornanni unammillernikkut atugassarisat toqqammavigalugit suliariumannittussarsiuinneqarsinnaalissammata.

Piumasaqaatit aningaasanut killissaasut allanngorujussuarneqarnissaat siunniunneqarpoq.

Aatsitassanut inatsipput aammalu suliniutinut angisuunut inatsipput namminerisamik allannguuteqarnikkut inissisimani qanitsuarannguussapput, tamannalu siunnersuummi qanoq kinguneqassanersoq erseqqissaassutigineqanngitsoq maluginiagassaavoq.

Tunngaviusumik isumaqatiginarpoq kajuminnartuunissarput aammalu suleqateqarnissarput pingaaruteqarluni, tamaakkaluartoq isumaqatiginanngilaq piumasaqaativut pilliutigisariaqarivut killissarititavullu pilliutigalugit piumasaqaatinut nakkaannarsinnaaneq. Oqimaaqatigissumik isummersussuugut aammalu mianersorfissatsigut mianersussuugut, taamaamat siunnersuut isumaqarpugut aatsitassanut ataatsmiititaliamik suliarilluarneqaqqartariaqartoq isumaliutissiissuornermilu paasissutissat itisilerneqartariaqartut qalloqqaarneqartariaqarput.